

CYNGOR CYMUNED CRYMYCH - CRYMYCH COMMUNITY COUNCIL

Clerc - Bethan Williams, Henllan Owen, Eglwysrwr, Crymych, SA41 3UP
cyngorcymunedcrymych@gmail.com Ffôn/Tel 01239 831962 / 07974099738

Cofnodion Cyfarfod 05/11/2020 - 7 o'r gloch

1. Croeso ac Ymddiheuriadau

Yn bresennol: Y Cynghorwyr Dylan Sandbrook, Hywel Lewis, Keith Davies, Eirlys Twigg, Cris Tomos (Cadeirydd), Emyr Thomas, Iwan Evans, Iwan Rees, Arwyn Rees, Roger Howells, Bill Davies a Bethan Williams (clerc)

Ymddiheuriadau: Derrick Rees

2. Cofnodion cyfarfod y 1af o Hydref

Cynigiwyd bod y cofnodion yn gywir, eiliwyd hynny a'i dderbyn.

3. Materion yn codi o'r cofnodion

O gofnodion Medi:

(5.7) Arwyddion baw ci - rydyn ni'n dal i aros iddyn nhw gyrraedd, bydd modd cael mwy wedi eu hargraffu yn lleol os bydd galw.

(5.9) Wyneb y ffordd ar Heol Portland - Mae'r mater yn nwylo'r cyfreithwyr erbyn hyn, talwyd am y gwaith ond mae'r cyngor sir yn ceisio cael iawndal gan y cwmni achosodd y difrod.

O gofnodion Hydref:

6. Bydd y cae pob tywydd ar gael i'w ddefnyddio yn dilyn y cyfnod clo byr yma.

8. Rhandir/Allotments Hermon a Crymych - Cris i siarad gyda'r rhai sydd â rhandir

9. Precepts - trafodwyd y syniad a godwyd o godi 50c ychwanegol er budd y cae chwarae yng Nghrymych.

Roedd pawb yn gytûn bod 50c yn ormod, ond nodwyd y byddai 84c y mis yn £10 y mis i bob aelwyd, a byddai £7,000 yn ychwnaegol gan y cyngor cymuned at ddefnydd y gymuned.

Nodwyd bod cynydd i'r dreth cyngor bob blwyddyn a bod hynny'n anodd ar bobl fel mae hi.

Roedd pawb yn cytuno bod angen rheswm dda dros godi'r precept, bod angen cynllun pendant ar gyfer yr arian gan fod rhai wedi holi yn y gorffennol pam bod y cyngor cymuned yn cadw arian wrth gefn. Mae mwy wrth gefn eleni gan fod llai o ddigwyddiadau felly mae llai o ofyn am gyfraniadau

Nodwyd, er bod cynllun y cae chwarae yn achos teilwng, fydd y cae ddim yn gwasanethu pawb ar draws y ward.

Cytunwyd i adael y mater am y tro.

4. Gohebiaeth

Cais Prosiect Crymych

Cafwyd cais gan Brosiect Crymych am gael defnyddio yswiriant y cyngor cymuned ac am gyfraniad tuag at fynd â 'Siôn Corn' mewn sled i ardaloedd Crymych, Hermon, Tegryn, Boncath,

Blaenffos ac Eglwyswrw a chyfraniad at goed Nadolig ar gyfer siopau Crymymch.

Bydd Cris yn holi'r cwmni yswiriant ymhellach am gost yswiriant.

Nodwyd bod y cyngor cymuned wedi trafod rhoi coed Nadolig i fusnesau'r ward blyneddoddd gynt ond bod coed yn ddrud iawn, ac yn y gorffennol nad oedd rhai busensau wedi codi'u coeden.

Cytunwyd mewn egwyddor i roi cyfraniad ond bod angen holi am amcangyfrif o gostau er mwyn penderfynu faint o gyfraniad i'w roi.

Bethan i gysylltu i holi am ragor o wybodaeth, i sôn am ddiffyg defnydd coed Nadolig yn y gorffennol ac argymhell bod cysylltu â chynghorau cymuned Boncath ac Eglwyswrw ynglŷn â chael cyfraniad.

Nodwyd hefyd bod gan y cyngor cymuned olau i'w rhoi ar goedden, a bod goedden yn y pentre wrth Neuadd y Farchnad y gellid rhoi golau arni, fel sydd wedi digwydd yn y gorffennol. Cytunwyd i wneud hynny, mae angen cael gafael ar y golau.

Cyhoeddi hysbysiad statudol o greu ysgol 3-19 yng Nghyrmymch

Datganodd y Cyng Cris Tomos ddiddordeb gan ei fod yn llywodraethwr yn Ysgol y Preseli.

Cyhoeddwyd rhywbudd statudol am y bwriad i gyfuno ysgolion y Preseli a Frenni er mwyn creu ysgol 3-19, mae angen cyflwyno unrhyw wrthwynebiad erbyn y 29ain o Dachwedd.

Mae corff llywodraethol y ddwy ysgol o blaid y datblygiad, er bod llywodraethwyr Ysgol y Frenni wedi nodi ei fod yn digwydd yn sydyn iawn.

Y bwriad yw agor yr ysgol fel un 3-19 ym Mhasg 2022.

Nodwyd nod angen tipyn o fuddsoddiad i wella a thrwsio Ysgol y Preseli. Mae'n un o ysgol hynaf y sir, fe'i hadeiladwyd yn y 50au a fu dim gwaith sylweddol ers hynny. Fydd dim cyllid ar gael i wneud cais amdano nes 2026.

Cytunwyd nad oes gwrthwynebiad ac nad oes angen ymateb.

5. Cynllunio:

Dim ceisiadau cynllunio

Bydd y Pwyllgor Cynllunio yn trafod Fferm Villa fore Mawrth y 10fed o Dachwedd.

Bethan i edrych beth yn union sy'n cael ei drafod a Cris i fod yno ar ran y cyngor cymuned.

6. Cyllid

Yn y banc 05/11/2020: £11,207.46

Taliadau Hydref:

£3250 - Maes Parcio Crymymch

£241.80 - Cyflog Undeg Mawrth ac Ebrill

Taliadau Tachwedd:

£440 - Blodau

£282.75 - Y Swyddfa Archwilio (ar gyfer y cyfrifion)

7. Unrhyw Fater Arall

Cynigiwyd bod torch yn cael ei rhoi gan Gyngor Cymuned Crymych i'w gosod ar Ddydd y Cofio.

Bydd yn costio £25.

Cynigiodd Bill Davies bod gwneud, eiliodd Iwan Evans a derbiwyd y cynnig.

Bydd Cris yn trefnu hyn.

Arhosfan bws Hermon

Y cyngor cymuned sydd biau'r arhosfa, mae wei'i throi yn 'llyfrgell' gymunedol ar gyfer llyfrau, DVDs ayb.

Nodwyd y gallai hyn fod yn risg tân a bod angen rhoi ystyriaeth i yswiriant. **Cris i holi am hyn.**

Tyllau ar y ffordd

Mae tyllau ar y ffordd ger y tai cyngor tuag at Maes Meigan yng Nghrymych ac angen ue llenwi.

Cris i dynnu lluniau a rhoi gwybod i'r Cyngor Sir.

Mae modd gwefru ceir trydan ym maes parcio Crymych nawr, ame peiriant wedi'i osod.

8. Dyddiad a lleoliad y cyfarfod nesaf

7pm nos Iau y 3ydd o Ragfyr.

Dros ffôn fydd y cyfarfod eto